

Bolaligim — poshsholigim!

FERKATOY®

bolalar jurnali

2018-y. May №5 (85)



SENI ROSA KUTDIK "TA'TILJON"

Jurnalimizning aziz muxlislari! Chorakni a'lo baholar bilan to'ldirdingizmi? Boshqacha bo'lishi ham mumkin emas. Chunki eng a'lochi o'quvchilargina "Erkatoy"ning doimiy muxlisi hisoblanadi, shundaymi? Axir biz ham bilimingizga bilim qo'shish maqsadida tinmay mehnat qilmoqdamiz.

Mana siz orziqib kutgan yozgi ta'til ham boshlanmoqda. Endi maza qilib hordiq chiqarishingiz mumkin. Do'stim, sizga kichik maslahat beraymi? Ta'tilda turli xil kitob mutolaa qiling va sport to'garaklariga qatnashing. Shunda bolalikning zavqli onlarini maroqli o'tkazasiz. Taassurotlaringizni biz bilan ham bo'lishasiz, degan umidimiz ham yo'q emas. Ha aytgancha, uy yumushlarida kattalarga yordam berishni kanda qilmang. Ta'tilingiz mazmunli o'tsin va doim biz bilan birga qoling!

Sizning "Erkatoy"





BOBOJONIM ORDENIARI

T.To'la she'ri,
B.Umidjonov musiqasi.

Ordeningiz taqing bobojon,
Siz yurganda yaraqlab ketsin.
Bahodirlik yillaringizdan,
Bolalarga hikoya etsin.

Ordeningiz taqing bobojon,
Bobojon, bobojon, jonim bobojon.
So'zlab bersin, urush dahshatin.
Qanday kelgan ushbu baxtli kun.



Bulbulcha



SAN'ATGA BAXSHIDA UMR

Ustoz san'atkor, O'zbekistonda xizmat ko'satgan artist Shermat Yormatov 1939-yilning 17-oktabrida Farg'ona viloyati, Farg'ona tumani, Log'on qishlog'ida, oddiy dehqon oilasida dunyoga keldi. Bolalik xotiralarini u shunday eslaydi:

"Bir kuni maktabdan qaytayotib, cho'n>tagimda bir tiyin ham yo'q bo'lsa-da qishloq do'koniga kirib qolibman. Peshtaxtadagi shirinliklar, chiroqli liboslarga havasim kelib chiqib ketayotganimda, oyog'im ostida o'n so'm yotganini ko'rib qoldim. Pulni olib sotuvchiga "Amaki, mana buni egasi kelib qolsa berib qo'yarsiz",— deb chiqib ketdim. Keng dala bo'ylab ovozim boricha qo'shiq aytib uyga keldim. Endigina onam bilan bir piyola choy ichib turgandik, bir notanish otliq kishi keldi. Onam "Keling mehmon, nima gap?"- degandilar, "Shermat sizning o'g'lingizmi?"-dedi. Onam xavotirlanib so'radi: "Ha, mening o'g'lim, biror

ish qilib qo'ydim?". Men esa qo'rqqanimdan bog'imiz tomonga qochdim. Kelgan kishi voqeani aytib, "Shermat katta yigit bo'lsin ilohim..." deb onamga uzoq minnatdorchilik bildiribdi va qo'lidagi tugunchani tutqazib ortiga qaytib ketibdi. Tugunchaga o'sha peshtaxtada ko'rgan shirinliklarimdan yarim, bir kilogrammdan solingan edi. Onam meni bag'rilariga bosib yig'lab yubordilar. "Bolam, har doim shunday halol inson bo'lgin, birovning haqqiga hech qachon xiyonat qilma"—deb peshonamdan o'pib qo'yganlar..."

Maktabdagagi tadbirlar ham usiz o'tmas edi. Ilk ustozi Isroil To'xtaliev unda o'qish bilan birga san'atga ham mehr uyg'otdi. Endi uning oldida oliy maqsad - "konservatoriya ga kirish!" ishtiyoqi tug'ildi.

Dalalarda ketmonni rubob qilib ashula aytib yurgan o'spirin qalbida Toshkentga borib, konservatoriya da o'qish orzusi yanada oshdi va Toshkent Madaniyat-oqartuv texnikumiga o'qishga kirdi.

Texnikumda ustozi Useevich Emma Anatolevnanidan juda ko'p narsani o'rgandi va

uning mehriga sazovor bo'ldi. O'qishni tugatayotganida ular diplom himoyasiga konservatoriyaning rektor o'rinosbasarini taklif etishdi. Himoyadan so'ng u: "Bitiruvchi Shermat Yormatov imtihonsiz konservatoriyaga qabul qilindi" deb e'lon qilib yubordi.

Shermat Yormatov o'zining "Bulbulcha" nomli bolalar xor jamoasi bilan O'zbekistonning har go'shasida kontsertlar uyushtirib, ko'plab xor festivallarida qatnashdi. Baxtiyor inson – Shermat Yormatov kuyunchak rahbar sifatida nafaqat "Bulbulcha"ning balki oynayi jahon orqali efirga uzatiladigan, millionlab bolalarni ekran oldiga mixlab qo'ygan - "Qo'shig'im, jon qo'shig'im", "Birgalikda kuylaymiz", "Do, re, mi, fa, sol", "San'at g'unchalari" kabi ko'rsatuqlar muxlislarining ham fidoiy ustozи, butun O'zbekiston bolalariga musiqadan tahsil bergen muallim hamdir.

Davlatimiz tomonidan berilgan O'zbekiston Yoshlar mukofoti, O'zbekistonda xizmat ko'rsatgan artist, "Sog'lom avlod uchun" ordeni, O'zbekiston xalq artisti kabi mukofotlar buning yaqqol isbotidir. Bundan tashqari, ramziy ma'noda "O'zbekiston bolalari mehri" deya

atalmish bebaho martabaga erishganliklari ham cheksiz baxt. Doimo yosh ko'rinishlarining siri ham shunda deb o'ylaymiz.

Hozirda, qahramonimizning 3 nafar farzandi, 7 nafar nabirasi, 5 nafar chevarasi bor. Ular kelajakda Yormatov va Mansurovlar sulolasini yanada gullab yashnashiga, ishlari tarix sahifalariga yozilib qolishiga o'z hissalarini qo'shadi, degan umiddamiz. Shermat Yormatov - baxtiyor ota, mehribon bobo, kuyunchak rahbar, nafaqat o'z oilasi va "Bulbulcha"ning, balki televideniya orqali tanigan millionlab bolalarning ham bobosi desak mubolag'a bo'lmaydi.



O'ktam Shokarimov tayyorladi.

TOSHBAQANING HIKOYASI

Anvar Obidjon.

Dushanba og'ir kun deganlari to'g'ri ekan. Bugun havo shunaqayam isib berdiki, nafas olsang, xuddi cho'g' yutayotgandek bo'lasan. Hali hech qancha yo'l yurganim yo'g'-u, sillam qurib, tomog'im qaqrab ketdi. Odamlarning bolalariga maza-da. Ular bunaqa paytda salqin joyni topvolishib, muzdek sharbat ichib o'tirishadi, yo bo'lmasa, burunlarini tortib-tortib, muzqaymoq yalashadi. Umuman, toshbaqa bo'lib ming yil sudralgandan ko'ra, odam bo'lib yuz yilgina yashagan ma'qul ekan. Sezib turibman, shunchalik holing bor ekan, safarga chiqishni senga kim qo'yibdi, deb o'layapsiz. Ho' bo'yterakni ko'ryapsizmi? O'sha tomonda bitta xolam bor. Xolamning kenja chevarasi qadrdon oshnam. Kelasi dushanbada o'sha kichkintoy o'tog'im bir yuz o'n yoshga to'ladi. Uni tabriklagani ketyapman. Nega menga bunaqa qaraysiz? Bir hafta oldin yo'lga chiqqanimdan hayron bo'lyapsiz shekilli? Nima, men

1

**DIQQAT
SAVOL**

 Toshbaqa oyog'iga
nima taqmoqchi?


850652

ayg'irmidimki, oyog'imga taqa qoqvolib, tosh yo'ldan shaqira-shuqur chopib ketsam? Orqamdan it quvlasayam bo'lgan-bitganim shu. Ana xolos, gap bilan bo'lib qumloqqa chiqib qolibman-ku. Hammadan ham anavi do'nglikka to'g'ri kelib qolganimni ko'r maysizmi? Ishlar chatoq endi. Bunaqa do'nglardan ko'p pand yeganman. O'lib-tirilib tepaga chiqdim deganingda bir sirg'anasan-u o'zingni yana pastda ko'rasan. ...Umrindan birovga yaxshilik qilganmisan, do'stim? Malol kelmasa, meni do'ppingga solib ana shu do'ngdan o'tkazib qo'ygin. Nima bo'Igandayam, yaxshi niyat bilan yo'lga chiqqanman, ziyofatdan quruq qolmayin tag'in.



Tuyog'ingizni
menga berib
turolmaysizmi?



OROLDAGI SARGUZASHT



Sarguzasht asarlardan biri "Robinson Kruzo hayoti va ajoyib sarguzashtlari" kitobini kuni kecha o'qib tugatdim. Jahon adabiyotining namoyandalaridan biri ingliz yozuvchisi Daniel Defo asar muallifi hisoblanadi.

Turli xil tasodiflar oqibatida kimsasiz orolga tushib qolgan Robinson nahot shu yerda bir umr qolib ketsa, degan savol meni qiynardı. Asardagi kutilmagan qiziqarli voqealarni o'qir ekanman, nazarimda asar qahramoni bilan birga yashayotganga o'xshardim.

Salkam 300 yildan buyon kitobxon qo'lidan tushmayotgan bu asar menga matonatli hamda mehnatsevar bo'lishni, har qanday vaziyatda ham yengilmaslikni o'rgatdi.

Xo'sh, shunday qilib, asar qahramoni Robinson orolni tark etdimi, demoqchimisiz? Bu savolningizga javobni asarni o'qib chiqqach bilib olasiz. Kitob haqidagi fikrlaringizni albatta bizga yozib yuboring.

2

**DIQQAT
SAVOL**

Sarguzasht asar qahramonining ismi?

KITOB

Kitob oldim qo'limga,
O'qidim dona-dona.
Har varag'i yo'limga,
Sochadi nur mardona.

Satrlari dur misol,
So'nmaydi nurli timsol.
Nur taratganda oftob,
Ilm sochadi – kitob!

Malika Karimova
Samarqand vil., Kattaqo'rg'on tum.,
23-maktab, 3-sinf o'quvchisi.



QALDIRG'OCH

Yurtimizda har doim
Bahor bilan barobar,
Qaldirg'och uchib kelar,
Bahordan darak berar.

Qaldirg'ochning parvozi
Ko'ngillarga yoqadi.
Mehnat qilib erta-kech,
Doim dilga yoqadi.

Shahzoda Tog'ayeva,
Samarqand vil., Paxtachi tum.,
43-maktab o'quvchisi.



3

DIQQAT SAVOL

Bahorda birinchilardan bo'lib
o'lkamizga uchib keladigan
qushning nomi nima?

Ziyarak tengdoshim, diqqat bilan qarang-chi, gullarning soyasi o'zinikimi? Yo'q deysizmi? Unday bo'lsa bu gullarning o'z soyasini toping.



4

**DIQQAT
SAVOL**

Rasmdagi uchinchi gulning nomi nima?

Topqir do'stim. Dehqon boboning ish qurollarini ko'rsating-chi?



CHUVALCHANG YOMG'IRI

Bahor faslida yomg'ir ko'p yog'adi. Ko'pincha kechasi yomg'ir yog'ib, ertalab esa havo ochilib quyosh charaqlab ketadi. Shunda yerda bir talay chuvalchanglarni ko'rib, hayron bo'lsangiz kerak. Xuddi tuni bilan yomg'ir emas, chuvalchang yog'ganga o'xshaydi. Aslida ham shundaymikin? Yo'q albatta. Bilasizki, chuvalchanglar yerni qazib tuynuk qiladilar. Yomg'ir esa chuvalchang uyasini suvga to'ldiradi. Bechora chuvalchanglar yer yuzasiga qochib chiqishadi. Ana shunaqa.

5

**DIQQAT
SAVOL**

Chuvalchang nima yog'ganda yer yuziga qochib chiqadi?



BOSH QOTIR

Sahifalarda berilgan savollarga javobni quyidagi katakchalarga yozing.

1

2

3

4

5

Aqlning o'Ichovi — idrok

Bilimliga dunyo yorug',
Bilimsizga qorong'u.

Ilm o'Ichovchi — aql,
Zehn o'Ichovchi — naql.



O'xshadimini?



*Farangiz Qahramonova,
Toshkent vil., Zangiota tum.,
31-maktab o'quvchisi.*



*Nuriddin Ramziddinov,
Toshkent vil., Zangiota tum.,
31-maktab o'quvchisi.*



*Jasmina Bakirova,
Samarqand vil., Qo'shrabot tum.,
66-maktab o'quvchisi.*



*Maftuna Tog'ayeva,
Samarqand vil., Paxtachi tum.,
43-maktab o'quvchisi.*



*Rusxshona Sharafiddinova,
Samarqand vil., Tayloq tum.,
22- maktab o'quvchisi.*



*Ruxshona Ismatova
Samarqand vil., Paxtachi tum.,
43-maktab o'quvchisi.*









Здравствуй, друг!

Напиши названия предметов.
Сможешь ли ты их найти на кусочках пазла?




O'zing bo'nya





851581

Ushbu rasmning rangli qismlarini yelim-qog'ozdan kesib, o'z o'rniiga yopishtiring.



ERKATOY

Biz birligda bir oylamiz!

Ma'naviy-ma'nif, adabiy-badiy nashr
Muassisasi: "Matbuot info media servisi" MChJ
Bosh muharrir: Nodir Yusupov
Rassom: Hiliola Jo'rabyeva
Sahifalovchisi: Andrey Paxunov

Tahrir hay'ati:
Iqbol Mirzo (hay'at rafsi)
Sherman Yormatov
Bahodir Sharofov
Vohid Luqmon
Orif To'xtash
Nodir Jonuzog

Jurnal 03.12.2013 y. O'zbekiston Matbuot va axborot agentligidan 0832 raqamli guvohnoma olgan.

"Sano Standart" MChJ bosmaxonasida chop etildi.
Manzil: Toshkent sh. Olmazor tumani Shiroq ko'chasi 100-uy.

Buyurtma raqami: _____
Bichimi - 70/100 1/16 Nusxasi - 8 000

Jurnal "Erkatoj" tahriri yati kompyuternarida sahfalandi.
Joyha muallifi: Nodir Yusupov

RASMLARDAGI 7 TA FARQNI TOPING



ISSN 2381-7456

9 772183 745001



JURNALLARIMIZGA OBUNA
BO'LISHNI UNUTMANG!

O'ZBEKCHA
OBUNA INDEKSI:

882

INGLIZCHA
OBUNA INDEKSI:

967